

長篇連載專欄

寡婦的孤獨死--去



◎ 胡文池

潘姓青年出世ti富裕家庭，身軀強壯，腦筋靈活，小學成績相當bē-bái，初中畢業了後，以優良成績考tiāu 師範學校，成做小學教員。老父是齒科醫師，mā是教會長老，老母是助產士，mā熱心信主。Chit種身世，伊若照基督教信仰來生活，安份守己，前途一定光明。可惜，伊變做一個酒徒，自毀前途，無成家立業，三十歲就英年早逝，這是jōa 悲慘è代誌！原因何在？

一、小學無上主日學

伊è性情外向活潑，自細漢貪sng，加上家境富有，lak 袋仔不時有夠額è錢，吸引真chē朋友，定定kap一寡狗幹班ti外面chhit-thō。家庭信基督教，按照教規，囡仔ti禮拜tiòh上主日學敬拜上帝，領受主è教示。但是伊卻無聽話，時常缺課，後來歸氣m來主日學--ah。

伊è父母溺愛獨生kiá"，in認為囡仔逐日ti學校讀冊辛苦，禮拜hō伊輕鬆chhit-thō一下，mā無算啥物phái"代誌，所以無勉強伊上主日學，任由伊kap--kóa m是教徒è囡仔做夥chhit-thō。

主日學是宗教教育è門路，建立個人信仰è基礎，養成禮拜放下一切è工作，到教會敬拜主è好習慣，mā是交往善良團 è 好地方，所以影響一生è成功失敗真大。

二、中學時代è放蕩

因為伊ti小學時代無上教堂è習慣，到初中時代離開父母ti外求學時koh-khah自由放蕩。結交一kóa chhit-thō囡仔，學pok薰、食檳榔，後來koh è 飲酒。

因家境富有，又koh是孤獨，有求必應，ài jōa-chē錢就寄 jōa-chē 錢hō伊，由在伊開。對伊來講，教會是嚴肅、無聊è 所在，雖然父母是基督徒，伊卻無願意踏入教會一步，是有名無實è 信徒。

三、酗酒è教員

雖然中小學時代放蕩chhit-thō，不過伊生成功巧，猶原以優良成績考ti iāu 師範學校。畢業了後回鄉做教員。

Ti小學任教，伊 è 薪水全部交公賣局，買酒取樂。逐工，伊 è 辦公桌頂必備米酒，下課時，kā酒當做茶teh līm。小學內底有一位工友kap伊全款有līm酒è慣勢，in soah成做朋友，時常līm 酒開講。

雖然是án-ne，伊è頭腦好，教學認真mā趣味，學校iāu認為伊是一位好教員。教幾冬 è 冊，到結婚年齡，chhōe無對象。因為基督教女子看伊是酒鬼就退避三舍，無想 beh koh進一步kap伊交往。世界上女子真chē，伊soah chhōe無配偶。

四、寡婦è 孤獨死去

伊è老父死去了後，母囡二人相依為命。M-koh老母對 chit-è 愛līm酒è 後生感覺真失望。勸伊禁酒m聽，一直kā罵罵，伊soah對老母真反感。

有一工，伊感覺四肢無力teh beh昏去，去病院hō醫生看，病症已經相當嚴重。醫生偷偷à對in老母講，伊是肝硬化，ài 伊絕對禁酒。

母親轉去厝裡看囡仔時，伊竟然iāu teh līm酒。所以真受氣罵伊無ài命。伊m-nā m聽話，顛倒出嘴罵in老母講：「妳實在chiá" loh唆--neh，別人è老母è死，你那無緊去死死--è ……」，in老母聽著後生án-ne講，隨傷心哭出來。

無久，Chit位寡婦è孤獨因為肝硬化死去，享受kan-na三十歲，這是何等悲慘è代誌，老實講，in父母 ài 負起大部分è責任。「教養囡仔，hō 伊行當行è道，就是到老伊mā bē 偏離。」(箴言二十二：6)

五、伊è小學同學成功--ah

一位胡姓 è 囡仔kap伊全歲，ti小學時mā是全班。因為老母是主日學教員，囡仔逐禮拜早起一定乖乖來上主日學。

有一個禮拜早起，胡媽媽卻無看tiòh家己è 囡仔ti課堂內底，等中晝囡仔轉來食中餐時，chiah知影伊kap同學去釣魚仔。老母非常受氣，thèh竹鞭就kā phah。囡兒皮肉痛，老母艱苦ti心內，mā禁 bē-tiāu 流目屎。Chit-pái教示真有效，tù-án-ni以後，囡仔死mā m敢ti主日學缺課--ah。養成逐禮拜參加主日禮拜 è 慣勢，一生不改其樂。

胡姓囡仔到台東中學讀冊時，mā kap潘家孤獨tòa作伙，禮拜招呼全去教會，伊卻無願意，因為伊認為禮拜就是chhit-thō è好日子。胡姓囡仔遵守安息日，mā規規矩矩認真讀冊，成績 bē-bái，ù小學、中學、大學到留學美國，得著化學博士，電腦碩士學位。最後 ti 大學做教授。

潘姓、胡姓二個囡仔 è 失敗kap成功，ti人生開始è頭一步——主日學時代已經決定--ah。「無忍心用杖phah囡兒--è，是恨惡伊。疼愛囡兒--è，隨時管教。」(箴言十三：24) (待續)

你kám知影一個全盲è高科技業副總裁，beh按怎解決困難，chhōa企業挑戰激烈è跨國爭戰？你想beh知影一個全盲è心理師，thèh著專業證照後，koh按怎面對需要看目色è 空課，成做專業è心理諮詢師？

另外，對tng 面對chhōe頭路問題è朋友，lin kam知影士農工商 è 主管teh面試 è時，「上合意mng 啥物問題」，錄取以後「上真實」è工作內容是啥物？

由無障礙科技發展協會監製、勞委會職訓局委託製播，全新è視障談話性節目「看m看，無要緊」，這禮拜六開始，中晝11點到12點，ti台北news98電台(FM98.1)播出(台北以外è地區，ē-tàng上news98網站收聽)。

【節目內容簡介】

1.工作ē-tàng án-ne做：邀請士農工商 è 視障者、或者是協助視障者從事士農工商 è 服務者，分享in è工作內容、解決困難 è 秘訣、以及家己未來 è 夢想等，hō聽眾理解，是按怎視障者除了掠龍，iah koh 有其他「各種無全」è可能性。

2.求職懶人包：邀請士農工商 è 企業主管，介紹無全職類 è 工作內容(親像人事助理 è 一工、電腦工程師 è 工作真相等)，以及從事該職類普遍需要 è 條件、面試時定mng è 問題等，透過士農工商主管對工作內容、條件、面試問題 è 整理，提供聽眾(包括視障求職者)方便、準備好--è秘訣。

3.上班族mā ē 通：固定邀請經絡掠龍專業視障老師萬建安(註：萬老師目前前是勞委會、勞工局等委託è視障掠龍課程經絡專業講師，bat 編過「經絡掠龍資料庫系統光碟電子冊」)，逐集針對一個上班族定見 è 小症頭(像頭痛、目瞶疲勞、無眠、滑鼠肘等)，提供按怎透過「chhih 穴位，得著舒緩」è方法，hō聽眾有機會認bat 視障掠龍，mā得著自身實用è資訊。

【主持人】

1.黃登：中廣生活月刊主編、News98 生活隨身碟、快樂向前行製作主持、唐氏症基金會副執行長、中華民國一日志工協會理事。

2.黑傑克：無障礙科技發展協會公關發展處處長，bat 任台北電台「台北映像館」、快樂聯播網「快樂星光族」節目主持、炸蝦捲劇團表演工作者。



看m看，無要緊

§ 二十四節氣之二十 §

小雪來，立冬去
雪無來，冬無去
雨無白，木無青
天頂無雪天漸寒
樹頂無花葉漸紅

台灣島，海中央
東北亞，直直起
東南亞，溜溜去
北回歸線過嘉義
高山溪河逐縣市

平原地，亞熱帶
丘陵地，是溫帶
高山頂，比寒帶
高山密度世界一
熱帶落雪世界奇

註：(1)小雪：農曆十月，新曆11/22、11/23。(2)直直起：指北邊，一直上去。(3)溜溜去：指南邊，一路下去。

小雪

／鄧文亥



1-43 鴨寮內，無隔暝tō-ún。

鴨仔大食閣無嫌食，粗糠kiáu糜就會食kah飽，若是挖一寡仔肚蚓(tō-kín-á、tō-ún-á) hō伊sut(食)，包隱會相搶，鴨寮內，想beh有隔暝tō-ún，he是無可能，嘛免數想。

有人重食、貧情做、kut-lát i"-i"，現趁仔現開，趁了食了了，叫伊勤儉來chhun存，kap「鴨寮內，無隔暝tō-ún」全款，免數想。chit 款人實在 hō 人想bē-chhun，敢講In m 知：春天若無粒積雨來糧，北風若吹，m知beh 按怎渡寒霜。

講著粒積，是祖公傳落來è叮嚀，m-nā 教咱著扑拚，閣著儉錢hak田園，照顧某困。啥知chit-mái è 少年翁仔姐，講扑拚有扑拚，可惜欠計劃，仙教嘛bē chhun-chhia，現趁現消化，有錢就想beh kā開hō ta，才會快活。

「鴨寮內，無隔暝tō-ún。」實在無chhun後。

※註解(1)大食：食量大。(2)kiáu糜：攪稀飯(3)kut-lát i"-i"：雙關語，kut-lát是認真扑拚，i"-i"是困，kut-lát-ni-ni，kut-lát i"-i"。(4)現趁仔現開：今天賺今天花。(5)chhun存：剩錢。(6)免數想：bián-siāu-siū"，別妄想。(7)想bē-chhun：想不通。(8)粒積：一點一滴，積蓄。(9)hak：買財產，衣、住、行、傢俱。(10)翁仔姐：ang-á-chiá，翁仔某。(11)bē chhun-chhia：轉變bē過來。(12)開hō ta：花得精光。

1-44 飼雞飼鳥，家伙了。

飼雞是飼 hit-lō 相扑雞仔，飼鳥咱來講飼粉鳥。飼相扑雞仔，beh kap 人比輸贏，有輸有贏著會迷，迷 hit 隻相扑雞，beh 按怎飼，beh 按怎顧，才會得財利，得財利著起siāu 貪，siāu貪著會戴雞lam，了家伙，一場空。

飼粉鳥比賽飛，看啥人 è 粉鳥上gàu 飛，飛著第一名，會iāng 閣有好名聲。一日到暗，peh-chiū" 厝尾頂，già 旗喝號令，訓練粉鳥兵；比賽 è 時陣，m驚日曝汗那流，kōa" 一個粉鳥鐘，khòk-khòk chông 真刺激，飛輪才來起懊惱，心會凝，無彩hiah 濟時間，無彩hiah 濟萬、hiah 濟千，怪啥人，是你家己hèng。

休閒活動真濟種，行棋、收集古董，飼寵物、peh山、運動、釣魚、放粉鳥，若有正當健康，啥麼擺嘛會通；sng hit-lō 有孔無sún--è，跋kiáu、浪蕩，了精神閣失金錢，hông笑控hông 笑癡，嚴重--è 就真正「飼雞飼鳥，家伙了。」--lò。

※註解(1)相扑雞仔：鬥雞。(2)粉鳥：鴿子。(3)siāu 貪：貪心。(4)雞lam：雞籠。(5)iāng：風神出名。(6)peh-chiū"：爬上。(7)kōa"：提。(8)hèng：喜好。(9)寵物：thióng-mih，thióng-bùt。(10)sng hit-lō 有孔無sún：玩那個有的沒有的。

■ 陳小小

埃及蒙恩記

(2月5號)


有人puh出一句台語：「這m是古早擦尻川è草紙？」同行團員無chē人知影 chit 種平凡草紙，但其實he是價值非凡，因伊bat負責承載上帝寶貴è話語。古早時無印刷術，差不多所有 è 新約聖經抄本，lóng是一字一字寫ti蒲草紙kap皮紙頂面。Siōng早 è 新約《馬太福音》è 碎片就是ti埃及被發現，hit-è 年代被確定是主後66年。蒲草紙容易朽爛，oh得保存，除非是ti極其乾燥 è 地區，如埃及沙漠。

基督信仰是真理，所信 è lóng有根有據，聖經擋能tiāu受嚴格è鑑別。其他宗教不談真假，強調「心誠則靈」，經冊自然真ch ē 是人為杜撰虛構，經不起考古鑑定。同團中有一位m是基督徒，伊oh 得理解為何基督會堅持真偽分辨，hit-è 觀念是後現代主義，生活中「善、美」就夠用，無需要「真」，各種人生價值觀lóng真好。M-koh,只有「善、美」è 人生價值觀，kan-taē-tàng供一己之用。世上有kóatāi-chi是超越美善，需要真理來做基礎，chiah ē-tàng有永恆 è 宏觀角度，願意棄sak保全己身，犧牲小我。

我kap伊分享，耶穌周圍原本有一大堆 è 跟tòe者，但當祂被掠、上十字架，hiah-è人通通lóngtiòh驚走了了。直到耶穌復活並顯現hō in看，in因為信仰為真，tù-án-ne ē-tàng 違反人性è貪生驚死，個個lóng為tiòh永恆價值 è 福音赴湯蹈火。若人生價值觀無重真偽，án-ne就會 tòe 環境變動，無可能持守，mā 無需要持守。這就是為何基督徒真重視所信 è 是真。

按照行程，用完晚餐是搭夜舖火車，清早到路克索。無想tiòh，當地導遊講，in è 總統ti路克索當teh演講，火車停駛。瞬間阮 chit 團二十五個人，遭遇了第一個難題，無旅館t h a n g tōa。兩個gin-á聽tiòh無所在tōa，非常擔心。因為前晚ti飛機頂無法度倒teh囑，in已經thiam kah beh死。Chit時禁bē-tiāu 想tiòh約瑟kap teh-beh臨盆 è 馬利亞，in當時千辛萬苦來到伯利恆，mā是chhōe無所在tōa。Chit chōa聖地之旅所遭遇 è 第一 è 突發事件，竟然hiah-nih相像，有可能是上帝ai阮ti其中 è 經歷來感受 è 功課。

M-koh，慈愛è上帝只hō阮k小khóa感受一下當年約瑟kap馬利亞è困境，並無hō阮真正tōa-ti馬槽或露宿街頭。大約暗時八、九點，終其尾ti吉薩chhōe-tiòh一間bē-bái è 旅館。雖然早tòh 超過晚餐時間，初到埃及 è 喜樂卻hō大家一點á mā bē iau。(待續)



陳文成教授紀念基金會

本基金會地址：Dr. Pin-Shuo Liu

CWCMP P. O. Box 136, Kingston, N.J. 08528

各位同鄉：

陳文成教授紀念基金會自一九八一年成立以來，在熱愛台灣，關心陳文成事件的同鄉支持下，一直不餘遺力的為台灣的民主，人權在打拼。二十外年來，本基金會每年在美國和台灣頒發五至七名的獎學金，一方面肯定得獎學生們的努力和成就，一方面也鼓舞了更多的台灣學子來關心台灣。二十外年來，本基金會曾發行《台灣文化》雜誌，舉辦週年紀念會，贊助台灣人作家寫作，邀請台灣作家，文化工作者訪美，舉辦紀念音樂會，舉辦台灣藝術花展，協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communique, <http://taiwandc.org>)，《台灣學生》(台灣學生社 Taiwanese Collegian, <http://tc.formosa.org>)和ITASA (<http://itasa.org>)。

近年起我們除了固定的獎學金外，更在陳文成生前執教的 Carnegie Mellon University 設立一個紀念陳文成的獎學金。自2001年起島內的美台文化交流基金會也在我們美國的同鄉鼓勵下獲得正名為陳文成教授紀念基金會。